

Lès racauzaedjes da Wêt-A-Ti-Ki-L- Tché-N-Tagne

(a l' après d' ène sakî ki, d'
bén lon, on va sayî d' shûre)

1.
Èviè sès trinte ans, il a kité s'n' amia èt s' corti, ascauchi l' richot, passer l' urêye èt griper tot à l' copète do mont. Vêlà i s' a rafiî d' ièsse mërseu èt, dîj an au long, î profiter d' sès tûzaedjes.

S' keûr a kandjî. A l' pikète d' on bia djoû, l' vola ki s' astampe dvant l' solia ki s' sipani èt lî dîre :

« Dijèz-m', grand asse, arîz bon d' lumer po nèlu ? Dispû dîj ans ki vos vos brokèz è m' trau, sins mi, m' n' êgue èt m' coloûte, n' sèrîz nén scan d' toûner èt lumer po rén ? Mins nos èstîne là, tos lès maténs à vos ratinde po z-apicî vos tchôds sipaurdaedjes èt vos bèni. Vèyèz-m' cichal, disgosté di m' saedjèsse tot come li moxhe d' api k' a ramèchné trop d' lâmes di mièl. Dj' a ausse ki vos mwins si stindenuchisse di m' costé.

Dji voréve doner èt sitramer, djuskà cki lès saedjes au mitan dèes omes fuchènut tot contint d' ièsse dsus l' doû, èt lès sins-pont-d' maye tot rèyusse di leus ritchèsses.

Volà pokwè dji m' va

RABULèTS 2004 (A n' nén crwêre, s' cinkyinme anêye !) ¹²

dischinde po l' trèfonds, come vos l' fyèz, vèlà au lon, tos ls anûtis, po z-î pwarter vosse lumêre au dzos dèl daegne, ô tro ritche asse !

I m' faut, come vos, disparète, m' coûtchî, dîjenut lès omes viè ki dji m' va avaler.

Bènixhèz-mi, paujêre ouy, vos ki polèz vîre on mêt grand bouneûr sins minme è nn' d' è ièsse ène nokète djalous.

Bènixhèz l' posson ki s' vout rispaude, ki d' l' euwe d' aur è rèxhe èt tchèriyer pa patavau l' imaudje di vosse fèlicité.

Riwêtèz ! L' posson s' vout rivûdî èt Wêt-A-Ti-Ki-L-Tché-N-Tagne ridivnu on ome. »

C' è-st-insi ki Wêt-A-Ti-Ki-L-Tché-N-Tagne s' a mètu à toûner à rén.

2

Tot seû, Wêt-A-Ti-Ki-L-Tché-N-Tagne s' a avalé do mont. Sins rèscontrer nèlu. Mins, à pwinne dins lès bwès, vola k'd' on randon au dvant d' li s' rècrèstêye on vî baurbu k' avéve kité s' cassine èt ranchî po dèes racènes. Èt l' vî d' adon atautchî Wêt-A-Ti-Ki-L-Tché-N-Tagne : « I m' shène ki dji l' a dèdjà vèyu, l' trèvautcheû; i gn' a dèdjà Bén dèes anêyes, il a passé aaurci. Wêt-A-Ti-Ki-

L-Tché-N-Tagne ki s' lomève, mins volci tot kandjî. Adon vos pwartîz dèes cindes au mont, alèz-v' audjourdu dischinde vosse flame dins l' valêye ? N'avèz nén peû d' vos voye pûni come boute-li-feû ?

Oyi-da, k' dji mèl rimimbère l' Wêt-A-Ti-Ki-L-Tché-N-Tagne.

Wêtèz s'n' ouy tot Bén clér èt s' boke n' èst pus l' cine d' én disgosté. N' èl volà-t-i nén à roter come én danseû d' maclotes ?

Il a Bén kandjî, l' Wêt-A-Ti-Ki-L-Tché-N-Tagne. Il a ridivnu èfant, i s' a dispièrté; kwè volèz-v' cachî asteure amon lès èdwarmus ?

Mërseu, vos vikîz come én névieux dsus l' Grande Basse ki l' eûwe li pwate. Mâleûreûs todi, èt vos volèz ridjonde li tère ? Mâleûreûs don, vos rivolèz ièsse oblidjî d' trinner vosse cwârp pa vos minme. ? »

Wêt-A-Ti-Ki-L-Tché-N-Tagne di lî rèsponde : « Dji vwè voltîye lès omes. »

« A s' dimander pokwè, dit l' saedje, dji m' a muchî mërseû dins lès bwès. N' è-st-ce nén passki dji vèyéve Bén trop voltîye lès omes ? Asteûre, dj' inme Diè, dji n' inme nén lès omes. A m' idêye, l' ome

n' èst k' én mau fini cayèt. Voye voltîye l' ome ? Po mi sèréve li mora. »

Wêt-A-Ti-Ki-L-Tché-N-Tagne di rèsponde : « A-dj' djôzé d' amoûr ? Dji m' è va bistoker lès omes. »

« I n' vos faut rén lzeu dner, a rataké l' sint. Dis-kèrdjèz-lès pu rade d' ène



I n' vos faut nén vos èwarer, on comèle èt maxhe todi lès moudêyes di sicrijhaedje

ratinde di lès voye vinu l' briber adlé vos ! »

« Nonna, ricassa Wêt-A-

Ti-Ki-L-Tché-N-Tagne, dji n' seû nén di Dnêye. Dji n' seû nén pôve assèz po çoula. »

L' sint s' a mètu à s' foute di Wêt-A-Ti-Ki-

L-Tché-N-Tagne èt d' lî dire : « Sayèz don d' leû fé admète vos trèsôrs. Is demèfyenut dè mêmseus èt is n' sont nén prèsse à crwêre k' on lès vént bistoker.

Nos pèstèlaedjes dins lès reuwes a on son tro mêmseû à leus orayes. Èt minme, li nût, stindus dsos leus covêrtes, is sont tot pawoureûs, strindus k' is sont d' ôre ène sakî roter avant ki l' solia n' si lève.

Ptète k' is sont à s'dimander: « Après kwè grawîye-t-i, c' voleûs-là ? »

N' alèz nén au mitan dè omes. Dimèrèz dins lès bwès! Alèz pus rade amon lès bièsses! Pokwè n' nén volu ièsse come mi on ôrs au

mitan dè ôrs, on moxhon dins lès moxhons ? »

« Èt à kwè l' sint passe-t-i s' tins dins lès bwès ? » a dimandé Wêt-A-Ti-Ki-L-Tché-N-Tagne.

L' sint d' rèsponde : « Dji scrî dè faridondinnes èt dji lès tchante. Kand dji tchante, dji rî, dji braî èt dji groumète, c' è-st-insi ki dji lowe Diè.

Avou dè tchants, dè ploraedjes, dè rîres èt dè grognaedjes, dji rind grâce à Diè, k' èst m' Diè. Mins kéne bistoke m' avèz-v' apwarté ? »

Après awè xhouté cès paroles, Wêt-A-Ti-Ki-L-Tché-N-Tagne lî a lèvé s' tchapia èt lî dire : « Kwè volèz ki dji vos done ? Lèyèz-m' pus rade ènn'd' aler po k' rén dji n' vos purdiche ! »

Insi s' ènn' ont-is ènn'd' alé chake di s' costé, l' vî èt l' ome tot riyeûs come dè djonnias.

A pwinne tot seû, Wêt-A-Ti-Ki-L-Tché-N-Tagne s' a causé li-minme à s' prope keûr:

« Esse-t-i possible ? Au fond di s' bwès, l' vî sint n'a don nén co apri ki Diè a moru ! »

(à porshûre...)

« On a bau dire, on tigneûs s' lèye voltîye mougûnî dsus s' tièsse » « Dji m' vwê todi voltîye, ça vos riwète-t-i ? »

« Minme avou dè pièles, on goria dimère in goré » « On s'pout afêti à tot, sins s' acostumer à rén. » « Po n' pont awè di spène à s' cou, on riwète bèn divant d' s' achîre » « Au mitan d' baudèts, on a plèjhi à s' lèyî prinde po ène bièsse. » « D' ûler avou lès leus, on rovîye k' on savève bawî. » « A dimèrer sins pus tûzer, on s' èruni rade » « Po s' fé mia xhoûter, rén d' mia k' atanawète dimèrer moyà » (Lee Tote)



sakwè èt is aspaler à l' pwarter. A zèls, rén d' ôte n' porève ièsse mia : à vos nèrén, si vos èto ça vos rëfwace !

Si tot d' minme vos volèz lzeu doner, i n' leû faut tinde k' ène mastoke, èt co, i vos faut